

Dipolatefomo tsa lefatshe lotlhe, bontlhannngwe jwa ditshireletso: Go tthaolwa go ya ka ditlhangwa mo dipolatefomong tsa mmedia wa botsala

Go na le ditsela di le dintsi tse bophiri le pabalesego di neelwang batho ba ba saleng basha di a farologana mo lefatsheng lotlhe mo dipolatefomong tsa dijithale tse di tshwanang mme di farologane. Bana ba ba tswang kwa dikarolong dingwe tsa lefatshe ba neelwa pabalesego e e oketsegileng le bosephiri jo bo oketsegileng go feta ba bangwe; seno ke mofuta o mongwe wa go tthaolwa go ya ka ditlhangwa.

Dipolatefomo di le tharo tsa lefatshe lotlhe di bontsha selekanyo se se farologaneng sa go tthaolwa go ya ka ditlhangwa: WhatsApp, Instagram le TikTok.

Mafelo a TikTok e a akaretsang a lekanyeditswe fa go tliwa mo maitemogelong ‘a a tshwanelang dingwaga tsa motho’

Dipholisi tsa Polokodiphiri tsa TikTok go dikologa lefatshe di supa dipharologano malebana le diponagalo tsa pabalesego, diponagalo tsa bosephiri, le go farologana ga bobotlana jwa dingwaga tsa motho go dikologa lefatshe. Batho ba basha ba dingwaga tse 13-17 ba ba nnang kwa Yuropa, UK & Switzerland ba neela tshireletsego e e oketsegileng:

“E le go sireletsa badirisi ba ba kwa tlase ga dingwaga tse 18 ka maitemogelo a a tshwanelang dingwaga tsa bone, o fitlhela e le gore diponagalo tse di rileng ga di teng.”

‘Maitemogelo a a tshwanelang dingwaga’ ga a tlhagelele mo dipholising tsa gope go sele mo lefatsheng.

Go farologana ga tsela e go berekanwang ka yone le tshedimisetso ga WhatsApp

Ka July 2021, Polokodiphiri ya Tshedimisetso ya Brazil e ile ya bapisa dipharologanyo tsa Melawana le Dipeelo tse di abetsweng Ma-Brazil, Ma-India le fa di bapisiwa le badirisi ba Yuropa, go akaretsa le badirisi ba dingwaga tse 13-17. Ba ile ba fitlhela e le gore bana ba Yuropa ba ne ba itumelela go nna le ditshireletsego tse di popota tse di kgatlhanong le go abelana go go sa tlhokegeng ka tshedimisetso, le go newa tlhaloso e e phepafetseng kaga go phimolwa ga tshedimisetso le gore seo se kaya eng.

Diseting tsa bosephiri tsa Instagram

Fa nne Khoutu ya UK ya go Ditlhangwa Tse di Tshwanelang Dingwaga e ne e tsenngwa tirisong, Instagram e ne ya ntsha kitsiso kaga diphetogo tse dintsi tota tsa basha go ba neela 'maitemogelo a a babalesegileng, a a nang le sephiri le go feta'. Ba ne ba itsise jaana:

"Koo re kgonang teng, re batla go dira gore basha ba seka ba tlhola ba ikgolaganya le bagolo bao ba sa ba itseng kgotsa bao ba sa batleng go ikgolaganya le bone. Re dumela gore diakhaonto tse di poraefete ke tsela e e molemo go gaisa go thibela seno go diragala. Ka gone go simolola ka beke eno, mongwe le mongwe yo o kafa tlase ga dingwaga di le 16 (kgotsa kafa tlase ga di le 18 mo dinageng dingwe) go tla itiragalela fela gore a wele mo akhaontong ya poraefete fa a inaakanya le Instagram!"

Seno se bolela gore bana ba dingwaga tse 16 le 17 ba ba tswang kwa "dinageng tse di rileng" ba sireleditswe botoka kgatlhanong le bagolo ba ba sa ba itseng. Re dumela gore dinaga dingwe tseno tsotlhe fela kgotsa bontsi jwa tsone ke tsa Yuropa.

Pharologano Gareng ga Gore Bobotlana o Tshwanetse wa bo o le Modirisi wa Dingwaga Tse Kae

Dipolatelyo dingwe di baya selekanyo se se sa tshwaneng sa gore bobotlana o tshwanetse wa bo o le dingwaga di le kae mo dinageng tse di farologaneng, go sa kgathalesege gore o neela tiriso e e tshwanang ya ditlhagiswa. Dipharologano tseno di dirwa ke go farologana ga diforeimeweke tsa semolao le maikarabelo mme seno ka bosone fela se bontsha maatla a balaodi bangwe ba nang le one a go bolela gore ke dingwaga dife tse ba di tsayang di tshwanetse. Gore o dirise WhatsApp, TikTok le Instagram o tshwanetse bobotlana wa bo o na le dingwaga tsa go tloga ka 13-21, mme dipolatelyo tseno go le gantsi ga di a tlhamalala kaga se dingwaga potlana e leng sone mo dinageng tse dingwe.

Dipuo tse dipholisi, dikaelo le tshegetso di leng ka tsone

Basha ba ba tswang kwa dinageng tse di buang dipuo tse di itsegeng mo lefatsheng lotlhe ba kgona go buisa diponagalo tsa dipholisi tse di kaga bosephiri, lefapha la thuso mmogo le tshegetso ka puo ya bone, mme seno se ne se sa nna jalo pele. Amharic, Slovenian le dipuo tsa semmuso tsa Aforika Borwa (kwa ntle ga Seburu mo Instagram) go le gantsi di ne di sa tshegediwe.

¹ Meta 2021 'Go neela basha maitemogelo a a babalesegileng, a a nang le sephiri le go feta mo Instagram' <https://about.fb.com/news/2021/07/instagram-safe-and-private-for-young-people/>

Diseting tse di itiragalelang fela tsa bosephiri tsa bana ba dingwaga di le 17

Diakhaonto mo dipolatefomong di le dintsi tsa botsalano di kgona go setiwa go nna 'diakhaonto tsa botlhe' kgotsa 'diakhaonto tsa poraefet' tseo di babalesegileng le go feta. Fa mosha a bula akhaonto lekgetlo la ntlha, dikhampani tsa mmedia wa botsalano di kgona go mo tlhophela gore a ke akhaonto ya gagwe e nne ya botlhe kgotsa ya poraefete. Diseting tse di itiragalelang fela tsa bosephiri tsa bana ba dingwaga di le 17 di farologana go ya ka naga.

Mo Instagram diakhaonto tse disha tsa bana ba dingwaga di le 17 ba ne ba:

- Kopiwa go itlhophela fa gare ga diporofaele tsa 'botlhe' kgotsa 'poraefete' kwa Brazil, Argentina, Colombia, Ghana, Aforika Borwa, Ethiopia, Indonesia, Australia, USA, Canada, Finland
- Itiragalela fela go nna tsa poraefete kwa UK, Slovenia, Germany

Mo TikTok diakhaonto tse disha tsa bana ba dingwaga di le 17 mo go bona go ne:

- Go itiragalela fela gore diakhaonto e nne tsa botlhe kwa Brazil, Argentina, Colombia, Ghana, Ethiopia, Aforika Borwa, Indonesia, Australia, USA, Canada
- Kopiwa go itlhophela fa gare ga diporofaele tsa 'poraefete' kgotsa go tlola tlhopho eno kwa UK, Slovenia, Germany, Finland

Melawana e e tlhokang gore dikgatlhego tsa bana di bewe kwa pele di botlhokwa thata mo go netefatseng gore mafelo a dijithale a bana le basha a babalesegile, a poraefete le go nna le go tswedisetsa pele ka mo go kgonegang ga ditshwanelo tsa bone.

Mefuta eno ya melawana e teng kwa UK, Ireland, the Netherlans, France le Sweden, e leng lone lebaka le le dirang gore bana ba kwa Yuropa ba neelwe tshireletsego e e oketsegileng. Mme gone dikatlanegiso di ntse di sekwasekwa kwa California, Australia le EU e feletse. Batlhami ba dipholisi le badiragatsi ba tsa loago go dikologa lefatshe lotlhe ba tshwanetse go akanyetsa melawana eno thata go netefatsa gore basha botlhe ba neelwa tshireletsego e e ba tshwanelang.

Dikhampani ka nosi tsa thekenoloji di tshwanetse go dira dilo tumalanong le diphatlafalo tseno mo lefatsheng lotlhe, e seng fela koo di nang le boikarabelo jwa semolao go dira jalo teng.